



Babhta Oscailte Coimisiúnaithe 2 - Sceideal 2026

Dáta Deiridh d'Iarratais: 16:00 an 12 Márta 2026

Tá córas coimisiúnaithe nua, TG4 eCoimisiúin, i bhfeidhm ag TG4. Chun iarratas a dhéanamh, ní mór duit clárú ar an gcóras nua <https://ecoimisiuin.tg4.ie/>.

Fáilteoidh TG4 roimh smaointe ó léiritheoirí dá sceideal 2026 ar féidir a mhaoiniú 100 % ag TG4. Táimid ag lorg smaointe a chuireann súil eile TG4 chun cinn, atá ag teacht le spriocanna cláir agus straitéise TG4 agus atá dírithe ar an lucht féachana atá againn sa Ghaeltacht, ar fud na tíre agus ar fud na cruinne.

Is riachtanas de chuid TG4 é go mbeadh eolas ag comhlacht ar bith a mbronnar coimisiúnú air ar Chaighdeán agus Treoirleánte Iriseoireachta Chláir TG4, Polasaí Comhlíontachta TG4 agus na hoibleagáidí reachtúla agus rialála atá i gceist faoin Acht Craolacháin 2009 chomh maith le heolas a bheith acu ar Chóid agus Rialacha ábhartha Choimisiún na Meán (CnaM.ie).

Sula ndéantar iarratas:

- Léigh [Spriocanna Straitéiseacha TG4](#): (Lch 6) agus léirigh go soiléir an chaoi a dtacaíonn do mholadh le straitéis TG4.
- **Lucht Féachana:** Luaigh go soiléir an lucht féachana ar a bhfuil do mholadh dírithe. (Páistí, aoisghrúpa 15-35, 34-54, 55+)

Príomhphointí:

- Beidh an gearrliosta curtha i gcrích roimh an **23/03/2026**
- Déanfar gearrliosta bunaithe ar riachtanais sceidealaithe agus tosaíochtaí straitéiseacha TG4.

- Má roghnaítear d'iarratas, déanfaidh an tEagarthóir Coimisiúnaithe teagmháil leat faoi na chéad chéimeanna eile agus faoi iarratas foirmeálta a dhéanamh.
- Pléifear cearta ag an gcéad chéim eile den phróiseas má éiríonn leis an iarratas dul ar aghaidh chuig an ngearrliosta.

Tábhachtach:

- **Buiséad:** Smaointe ar féidir iad a léiriú le buiséid TG4 atá á lorg sa bhabhta seo. Más togra é a mbeidh tacaíocht chómhainithe ag teastáil ina leith, moltar gan iarratas a dhéanamh sa bhabhta seo.
- Tá réimsí na mbuiséad uaire bunaithe ar chritéir faoi leith. Má tá an costas léirithe ag teacht isteach ag an uasmhéid, is fiú é sin a phlé leis an Eagarthóir Coimisiúnaithe chun an seans is fearr a thabhairt don iarratas. Más togra é atá le léiriú ar chostas níos airde ná costas in aghaidh na huaire TG4, ní mór é a phlé leis an Eagarthóir Coimisiúnaithe chun treoir a fháil ar cheart é a chur ar aghaidh faoi bhabhtaí cómhainithe eile.
- Níor cheart tograí a diúltaíodh roimhe seo a chur isteach arís gan na hathruithe a moladh a dhéanamh in aiseolas TG4 a bheith déanta orthu ar dtús.

Riachtanais Iarratais:

- Beidh foirm le líonadh isteach mar iarratas ar an suíomh nua eCoimisiúin. Is féidir an t-eolas maidir leis na riachtanais thíos agus aon eolas bhreise a chur ag deireadh an iarratas maraon le aon nascanna ar mian libh a bheith san áireamh. Caithfear treoir ar chostas buiséid uaire a bheith curtha leis an iarratas bunaithe ar an eolas sa gcáipéis seo.
- Ní mór do iarratas a líonadh isteach ar shuíomh eCoimisiúin TG4 agus treoir ar chostas buiséid uaire a bheith curtha leis an iarratas bunaithe ar an eolas sa gcáipéis seo. Má éiríonn leat, beidh buiséad mionsonraithe le cur ar fáil sa chéad chéim eile den phróiseas.

Cuir san áireamh:

- Cur síos ar an smaoineamh agus ar an gcur chuige cruthaitheach

- Amlíne léiriúcháin
- Foireann agus taithí
- Léiriú ar an gcaoi a bhfuil an togra ag teacht le súil eile agus straitéis TG4
- Sprioclucht féachana
- Cur chuige eagarthóireachta teangeolaíoch don léiriú - ní mór an cur chuige atáthar a úsáid sa chlár / sa tsraith chun an Ghaeilge agus caighdeán agus saibhreas na Gaeilge a chinntiú.

Gearrliosta: Má chuirtear do thogra ar ghearrliosta, déanfar teagmháil leat ar ríomhphost ar an 23 Márta 2026 faoi réir comhaontú chonartha i mí Aibreán 2026. Is é mian TG4 go mbeadh gach conradh go bhfuil TG4 ag déanamh maoiniú 100% air ag an staid réamh-ghearrtha i 2026 más féidir.

Ábhar Ilardáin: Beidh TG4 ag súil go mbeifear in ann roinnt ábhair a chur ar fáil ar ardáin éagsúla. Ní mór a mheas an bhfuil an t-ábhar oiriúnach do na hardáin dhigiteacha mar chuid de do chur chuige ach ní gá go mbeadh gach smaoineamh in oiriúint do na hardáin dhigiteacha.

Tacaíocht: Beidh eagarthóirí coimisiúnaithe TG4 ar fáil le haghaidh cruinnithe le léiritheoirí a bhfuil suim acu sa bhabhta seo. Is féidir ceisteanna a chur ar aghaidh nó plé tosaigh a eagrú ach teagmháil a dhéanamh le: maryellen.ni.chualain@tg4.ie nó Julieann.ni.fhatharta@tg4.ie.

Seánraí Incháilithe: Glacfar le clár nó sraitheanna uaire nó leath huaire

Ábhar Reatha: Tá suim ag TG4 cur lena chuid cláracha reatha. Is sraitheanna nó cláir aonair faoi ábhar atá tráthúil, i mbéal an phobail agus ar féidir é a léiriú agus a sholáthar go tapa atá á lorg againn. Ní gá gur cúrsaí reatha a bheadh i gceist agus d'fhéadfadh meascán idir ábhar trom agus éadrom a bheith sna hiarratais.

Buiséad in aghaidh na hUaire: €55,000 - €75,000

Cúrsaí Reatha: Tá suim ag TG4 cur lena cuid clár cúrsaí reatha ar TG4. Táimid ag lorg smaointe stuama agus dána ina bhfuil cúrsaí reatha lárnach agus a chuirfear i láthair ar bhealach éagsúil.

Buiséad in aghaidh na hUaire: €65,000 - €90,000

Saolchláir: Táimid ag lorg smaointe do shraitheanna saolchláir, a bheidh dírithe ar léargas úsáideach a chur i láthair don lucht féachana ar bhealach siamsúil agus éadrom. Smaointe a scagann saol an lae inniu. D'fhéadfadh an tsraith a bheith dírithe ar aoisghrúpa ar leith nó ar sprioclucht féachana ar leith. Beifear ag súil na sraitheanna seo a chraoladh roimh 9pm agus i rith na seachtaine. Fáilteofar roimh gach formáid.

Buiséad in aghaidh na hUaire: €55,000 - €75,000

Na hEalaíona: Táimid ag lorg cláracha ealaíon agus cultúir ina dtugtar dearcaí nua, ina dtugtar ardán d'ealaíontóirí agus do lucht cruthaitheachta, agus ina dtugtar faoi chuir chuige nuálacha, ealaíonta agus chruthaitheacha i leith na físiúlachta, na scéalaíochta agus an léirithe.

Ó chleachtais chruthaitheacha chomhaimseartha go scéalta mealltacha cultúir, táimid ag lorg smaointe teilifíse a mheallann, a spreagann, agus a thugann ardán do ghlórtha nach dtugtar aird orthu go minic.

Cláracha aonair nó sraitheanna don phríomham féachana atá á lorg.

Buiséad in aghaidh na hUaire: €55,000 - €75,000

Ceol: Fáilteofar roimh iarratais do chláracha i réimsí ceoil éagsúla nach bhfuil á gcur ar fáil ag TG4 faoi láthair.

Fáilteofar freisin roimh iarratais ar chláracha ceoil tíre atá dírithe ar an aoisghrúpa faoi 35.

Buiséad in aghaidh na hUaire: €55,000 - €65,000

Clár Beo Oíche Chinn Bliana: Táimid ag lorg smaointe nua do chlár beo a chraolfar Oíche Chinn Bliana 2026 atá siamsúil, éadrom agus éagsúil agus a chuirfidh fonn ar an lucht féachana an bhliain nua a cheiliúradh le TG4.

Beidh an clár le craoladh idir 23:30 agus 01:00.

Buiséad in aghaidh na hUaire: €150,000

Cúla4: Lucht Féachana Bunscoile nó Réamhscoile: Táimid ag lorg ábhar tarraingteach spraiúil i ngach seánra, ábhar a bhfuil spéis ag an lucht féachana óg seo ann. Is fiú smaoineamh ar an ábhar spéise is mó atá ag daoine óga - spórt, ealaín, eolaíocht, peataí, teicneolaíocht etc. Ní mór smaointe/tuairimí an lucht féachana a chur san áireamh agus ní mór stíl, ton agus brandáil a bheith soiléir ó thús an togra.

Buiséad in aghaidh na hUaire: €40,000 - €55,000

Nóta: Ní dhéanfar iarratais nach gcomhlíonann na riachtanais thuas a mheas.

Eolas Eile d'Iarrthóirí

Ní mór gach togra a chur ar aghaidh go leictreonach chuig TG4. Ní mór do chomhlachtaí léiriúcháin a chinntiú ar dtús go bhfuil siad cláraithe ar ár gcóras eCoimisiúin.

<https://ecoimisiuin.tg4.ie/>.

Ní mór iarratais a dhéanamh roimh an spriocam agus iad a chur ar aghaidh trí **'Babhta Oscailte Coimisiúnaithe 2 - Sceideal 2026'** a roghnú ón roghchlár anuas. Cuirfear in iúl duit, go huathoibríoch, nuair a bheidh do thogra curtha ar aghaidh. Ní ghlacfar le tograí nuair a bheidh an spriocdháta deiridh molta caite.

Is féidir ceist ar bith faoin mbabhta seo agus faoi oiriúnacht an tionscadail a sheoladh chuig Julieann.ni.fhatharta@tg4.ie.

Glacfar le hiarratas ar an mbonn go gcomhlíonfaidh iarrthóir na hoibleagáidí reachtúla iomchuí uile.

Níl dualgas ar TG4 glacadh leis an iarratas is ísle i bpraghas, ná le haon iarratas.

Beidh aon chonradh ag brath ar Dheimhniú Imréitigh Cánach a bheith agat ó na Coimisinéirí Ioncaim.

An tAcht um Shaoráil Faisnéise: Cuirtear iarrthóirí ar an eolas gur ceadmhach eolas a sholáthraítear a nochtadh don phobal faoin Acht um Shaoráil Faisnéise. Ba chóir d'iarrthóirí aird a tharraingt ar aon fhaisnéis íogair (más ann di) agus an chúis go bhfuil an fhaisnéis sin íogair a lua. Ní féidir glacadh leis nach mbeidh dualgas ar TG4 faisnéis a eisiúint, fiú más dóigh leis an iarrthóir gur faisnéis íogair í agus go bhfuil sin curtha in iúl do TG4.

Ní ann d'aon chineál ceangail – conradh ná aon chineál eile – go dtí go mbeidh conradh foirmiúil scríofa forghníofa ag nó thar ceann TG4.